

Composición resultante:

- a) Centro de educación infantil: 5 unidades.
- b) Centro de educación primaria: 12 unidades.
- c) Centro de educación secundaria: 8 unidades de educación secundaria obrigatoria.
- d) Centro de educación especial: 1 unidade.

CONSELLERÍA DE INNOVACIÓN, INDUSTRIA E COMERCIO

Orde do 15 de novembro de 2004 pola que se convoca o III Premio Galicia Innovación Júnior.

A Lei orgánica 1/1990, do 3 de outubro, de ordenación xeral do sistema educativo, dá resposta á necesidade de adecuar o noso sistema educativo a unha sociedade en acelerado proceso de modernización, con continuos cambios culturais, tecnolóxicos e produtivos, que camiña cara a un horizonte común para Europa.

O desenvolvemento científico e tecnolóxico é un dos factores de maior influencia na configuración do mundo contemporáneo. Nesta liña, a Consellería de Innovación, Industria e Comercio, a través da Dirección Xeral de Investigación e Desenvolvemento e da Dirección Xeral de Tecnoloxía e Desenvolvemento Sectorial, está a impulsar actividades mediante as que se intenta divulgar e facilitar a comprensión do que significa este desenvolvemento.

Entre estas actuacións e dentro do Programa de Sensibilización Social do Plan Galego de Investigación e Desenvolvemento Tecnolóxico, aprobado polo Consello da Xunta de Galicia na súa reunión do 14 de marzo de 2002, a Consellería de Innovación, Industria e Comercio convocou e entregou por primeira vez no ano 2002 un premio orientado aos mozos galegos co fin de fomentar o espírito creativo coa súa capacidade innovadora.

En consecuencia co anteriormente exposto, e co fin de continuar con esta actuación, esta consellería

DISPÓN:

Artigo 1º.-Obxecto.

Convócase a terceira edición do Premio Galicia Innovación Júnior, para os mozos e mozas galegos de entre 12 e 18 anos de idade, en dúas categorías: de 12 a 15 anos e de 16 a 18 anos, ambos incluídos. Este premio está destinado a estimular o espírito creativo e a capacidade innovadora, valorando especialmente a aplicación de coñecementos adquiridos polos participantes na súa vida académica. Serán criterios de selección, ademais, a orixinalidade das propostas, a súa utilidade e as posibilidades reais de levalas á práctica.

Artigo 2º.-Dotación.

Haberá un primeiro premio por categoría, dotado cun ordenador portátil e unha cámara dixital (o gañador da categoría de 12 a 15 anos) e un PDA (na

categoría de 16 a 18 anos), e un segundo premio por categoría dotado cun ordenador portátil. Así mesmo, concederanse seis accésit por categoría, dotados no primeiro caso (categoría de 12 a 15 anos) cunha cámara de fotografía dixital e na segunda categoría (de 16 a 18 anos) cun PDA. Por outra parte, os departamentos dos centros educativos aos que pertencen os profesores que prestasen axuda aos gañadores dos dous primeiros premios recibirán un ordenador portátil, sempre que se acredite que o alumno foi asistido polo equipo docente do centro na elaboración da súa proposta. No caso de que algún dos traballos que se presente corresponda a un grupo de rapaces, en lugar dun traballo individual, concederáse un único premio para todo o grupo. Os gastos relativos ás accións desta convocatoria, que ascenden a un máximo 15.000 €, imputaranse ás aplicacións orzamentarias 08.03.712 B.781.0 (6.600 euros para a adquisición dos 6 ordenadores portátiles) e 08.05.432A.480.0 (8.400 euros para a compra das 7 cámaras dixitais e dos 7 PDA), dos orzamentos da Consellería de Innovación, Industria e Comercio para o ano 2005.

Artigo 3º.-Requisitos.

Poderán participar nesta convocatoria todos os rapaces e rapazas galegos ou residentes en Galicia de idades comprendidas entre os 12 e os 18 anos. Serán admitidas tamén as solicitudes presentadas por alumnos matriculados no último curso de secundaria que teñan 19 anos no momento do peche da convocatoria, que só poderán participar se acreditan estar recibindo docencia nun centro da Comunidade Autónoma galega. Poderán presentarse traballos individuais ou en grupo. Admitiranse un máximo de dúas propostas por participante, individual ou en grupo.

Artigo 4º.-Presentación de solicitudes.

As solicitudes, no modelo oficial PSS-06 que se publica como anexo a esta orde e que está á disposición dos interesados/as na internet no enderezo: <http://www.dxid.org> e <http://www.galiciainnovacion.com>, presentaranse, dirixidas ao director xeral de Investigación e Desenvolvemento, no rexistro xeral da Dirección Xeral de Investigación e Desenvolvemento da Consellería de Innovación, Industria e Comercio ou por calquera das formas previstas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

O procedemento da convocatoria deste premio consta de dúas fases. Para participar na primeira delas, a de preselección, as solicitudes realizadas no modelo oficial anexo a esta convocatoria (no caso de grupos deberán designar un representante que será quen cubra a instancia de solicitude) deberán ir acompañadas, inescusablemente, da seguinte documentación:

-Declaración xurada de cumprimento dos requisitos estipulados no artigo 3º desta convocatoria. No caso dos grupos de rapaces, deberán presentar

unha declaración xurada por cada membro do grupo. Unha vez seleccionado para o premio, o solicitante deberá achegar copia cotexada da partida de nacemento, do certificado de empadroamento ou do libro de familia, co fin de acreditar o cumprimento dos ditos requisitos.

-Copia do documento nacional de identidade (DNI/NIF) do participante ou participantes (para os grupos) e, de ser o caso, do docente ou docentes que o asistisen na elaboración da proposta, ademais da certificación pertinente de que pertencen ao cadro de persoal do centro educativo no cal imparten clases.

-Memoria na cal proxecten e desenvolvan unha idea que se traduza nun novo produto, nun novo servizo ou ben nunha maneira distinta e innovadora de producir algo xa existente (7 copias). Deberán describir o produto, servizo ou proceso, argumentando a quen vai dirixido, a súa utilidade e a maneira de levar a cabo o que se proxecta.

As propostas deberán redactarse en calquera das linguas oficiais da comunidade autónoma, e para o caso da lingua galega, deberán adaptarse ao disposto na lexislación vixente (disposición adicional da Lei 3/1983, do 15 de xuño, e Decreto 173/1982, do 17 de novembro).

O prazo de presentación de traballos para esta primeira fase remata o 31 de xaneiro 2005.

A segunda fase iniciarase o 29 de febreiro coa publicación, na páxina web www.dxid.org e www.galiciainnovacion.com, dos 16 traballos preseleccionados polo xurado, entre os que posteriormente se repartirán os dous primeiros premios e os 12 accésit. A partir dese momento, os titulares dos traballos preseleccionados terán un mes de prazo (ata o 31 de marzo) para presentar o desenvolvemento da idea exposta na primeira fase do concurso a través dun bosquejo, maqueta, plano e/ou debuxo. O xurado procederá entón á selección final dos gañadores.

Artigo 5º.-Composición e funcións dos xurados.

1. Os traballos presentados e que se axusten a esta convocatoria serán examinados e avaliados por un xurado presidido polo director xeral de Investigación e Desenvolvemento ou persoa en quen delegue, e do que formarán parte seis vogais:

-Un designado pola Dirección Xeral de Tecnoloxía e Desenvolvemento Sectorial.

-Cinco designados pola Dirección Xeral de I+D dos cales:

* Catro serán profesores da área de ciencias e/ou tecnoloxía de educación secundaria.

-Actuará como secretario, con voz pero sen voto, un funcionario designado pola Dirección Xeral de Investigación e Desenvolvemento da Consellería de Innovación, Industria e Comercio.

2. A decisión do xurado será inapelable.

Artigo 6º.-Retirada da documentación.

As persoas responsables dos traballos ou os seus representantes legais poderán retirar os traballos non premiados nas dependencias da Dirección Xeral de Investigación e Desenvolvemento, no prazo de 60 días contados a partir da resolución do xurado correspondente.

Artigo 7º.-Entrega dos premios.

Os premios entregaranse en acto público que se anunciará oportunamente.

Artigo 8º

A Consellería de Innovación, Industria e Comercio, a través da Dirección Xeral de Investigación e Desenvolvemento, poderá, á súa libre elección, divulgar os proxectos premiados, sen que isto supoña cesión ou limitación ningunha nos dereitos de propiedade do autor sobre eles.

Artigo 9º

A convocatoria, as súas bases e todos os actos administrativos derivados dela poderán ser impugnados polos interesados nos casos e na forma establecida na Lei 30/1992, de réxime xurídico das administracións públicas e do procedemento administrativo común.

Artigo 10º

Para os efectos establecidos nos artigos 42.2º e 43.4º da Lei 30/1992, de réxime xurídico das administracións públicas e do procedemento administrativo común, o prazo máximo para resolver as solicitudes correspondentes será de 6 meses, contados desde a data de publicación desta convocatoria, dicándose resolución expresa con respecto á antedita liña de axudas.

Disposicións derradeiras

Primeira.-A participación na convocatoria supón a aceptación de todas as súas bases.

Segunda.-Esta convocatoria tramítase polo procedemento de gastos anticipados ao abeiro do establecido na orde da Consellería de Economía e Facenda do 11 de febreiro de 1998, pola que se regula a tramitación anticipada de gastos, tendo en conta as modificacións da orde da Consellería de Economía e Facenda do 27 de novembro de 2000 (DOG do 29 de novembro) e de 25 de outubro de 2001 (DOG do 29 de outubro), pola que se regula a tramitación anticipada de gastos, quedando condicionada a adxudicación definitiva á existencia de crédito adecuado e suficiente nas aplicacións orzamentarias citadas dos orzamentos da comunidade autónoma para o ano 2005.

Santiago de Compostela, 15 de novembro de 2004.

Juan Rodríguez Yuste

Conselleiro de Innovación, Industria e Comercio



XUNTA DE GALICIA
CONSELLERÍA DE INNOVACIÓN,
INDUSTRIA E COMERCIO
 Dirección Xeral de Investigación
 e Desenvolvemento



GALICIA INNOVACIÓN

Plan Galego de Investigación, Desenvolvemento
 e Innovación Tecnolóxica
 2002 - 2005

COFINANCIADAS POLO FSE
PROGRAMA DE SENSIBILIZACIÓN SOCIAL

ANO 2004

MODELO PSS-06

PROCEDEMENTO III PREMIO GALICIA INNOVACIÓN-JUNIOR	CÓDIGO DO PROCEDEMENTO IN822B	DOCUMENTO SOLICITUDE
---	---	--------------------------------

DATOS DO SOLICITANTE (OU REPRESENTANTE DO GRUPO)

APELLIDOS		NOME		DATA DE NACEMENTO	NIF
ENDEREZO				LOCALIDADE	
PROVINCIA	CÓDIGO POSTAL	TELÉFONO	FAX	CORREO ELECTRÓNICO	

TÍTULO DO TRABALLO

DATOS DO CENTRO

NOME DO CENTRO			
ENDEREZO			
LOCALIDADE	PROVINCIA	CÓDIGO POSTAL	TELÉFONO

DATOS DO PROFESOR

NOME DO PROFESOR		DEPARTAMENTO
TELÉFONO	CORREO ELECTRÓNICO	

<p>OBSERVACIÓNS</p> <p>Á presente solicitude xuntaránselle os seguintes documentos:</p> <p><input type="checkbox"/> DECLARACIÓN XURADA DE CUMPRIMENTO DOS REQUISITOS ESTIPULADOS NO ARTIGO 3º.</p> <p><input type="checkbox"/> COPIA DO DNI DO/S PARTICIPANTE/S E, SE É O CASO, DO DOCENTE OU DOCENTES QUE O ASISTISEN.</p> <p><input type="checkbox"/> MEMORIA NA QUE PROXECTEN E DESENVOLVAN UNHA IDEA QUE SE TRADUZA NUN NOVO PRODUTO, SERVIZO, OU BEN NUNHA MANEIRA DISTINTA E INNOVADORA DE PRODUCIR ALGO XA EXISTENTE (7 COPIAS).</p>

<p>LEXISLACIÓN APLICABLE</p> <p><i>Orde do 15 de novembro de 2004 pola que se convoca o III Premio Galicia Innovación Junior.</i></p>
<p>SINATURA DO SOLICITANTE</p> <p>_____</p> <p>de _____ de 2004</p>

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA
		/ /
REVISADO E CONFORME		DATA DE EFECTOS
		/ /
		DATA DE SAÍDA
		/ /

Orde do 16 de novembro de 2004 pola que se convoca o III Premio de Xornalismo Científico Galicia Innovación.

O desenvolvemento científico e tecnolóxico é un dos factores de maior influencia na configuración do mundo contemporáneo. Nesta liña, a Consellería de Innovación, Industria e Comercio, a través da Dirección Xeral de Investigación e Desenvolvemento, está a impulsar actividades mediante as que se intenta divulgar e facilitar a comprensión do que significa este desenvolvemento.

Entre estas actuacións e ao abeiro do Plan Galego de Investigación, Desenvolvemento Tecnolóxico e Innovación, aprobado polo Consello da Xunta de Galicia na súa reunión de 14 de marzo de 2002, a Consellería de Innovación, Industria e Comercio convoca a terceira edición dos Premios de Xornalismo Científico Galicia Innovación. O galardón ten como finalidade estimular a produción de textos xornalísticos especializados en materia científica e na investigación e desenvolvemento.

En consecuencia co anteriormente exposto, esta consellería

DISPÓN:

Artigo 1º.-Obxectivo.

Convócase a terceira edición dos Premios de Xornalismo Científico Galicia Innovación, para xornalistas que traballan para medios da comunidade Autónoma de Galicia. Este premio está destinado a estimular a produción de textos xornalísticos especializados en materia científica.

Artigo 2º.-Dotación económica.

Os premios aos que se refire o artigo primeiro estarán dotado con 5.000 euros para o primeiro traballo galardoado e 2.300 euros para o segundo. Os gastos relativos á acción desta convocatoria imputaranse á aplicación orzamentaria 0805.432A.480.0 dos orzamentos da Consellería de Innovación, Industria e Comercio para o ano 2005. Aos premios aplícaráselle a correspondente retención fiscal.

Artigo 3º.-Condicións.

1. Poderán participar nesta convocatoria todos os profesionais do xornalismo que traballen para medios de comunicación da Comunidade Autónoma de Galicia.

2. Os concursantes deberán presentar un traballo xornalístico de contido científico (preferentemente sobre temas de investigación e desenvolvemento) de calquera xénero informativo publicado ou emitido polos medios de comunicación galegos, xa sexan en soporte escrito, audiovisual ou electrónico. Os traballos poderán ser presentados a título individual ou en equipo e terán que estar publicados durante o período en que estea aberto o prazo de presentación de solicitudes á presente convocatoria.

3. O prazo de presentación de traballos será de 30 de novembro de 2004 ao 31 de marzo de 2005.

Artigo 4º.-Presentación de solicitudes.

As solicitudes no modelo oficial PSS-07 que se publica como anexo á presente orde e que está á disposición dos interesados/as na internet no enderezo: <http://www.dxid.org>. Presentaranse dirixidas ao director xeral de Investigación e Desenvolvemento, no rexistro xeral da Dirección Xeral de Investigación e Desenvolvemento ou por calquera das formas previstas no artigo 38.4º da Lei 4/1999 de modificación da Lei 30/1992, de 26 de novembro, de réxime xurídico das administracións públicas e do procedemento administrativo común.

As solicitudes realizadas no modelo oficial que acompaña esta orde a modo de anexo deberán ir acompañadas, inescusablemente, da seguinte documentación:

- a) Currículum vitae do candidato ou candidatas.
- b) Fotocopia do documento nacional de identidade (DNI/NIF) do candidato ou candidatas.
- c) Certificado da empresa de comunicación galega que acredite que o solicitante ou solicitantes presta/n os seus servizos nela, como xornalista/s.

d) Se se trata dun traballo en prensa escrita, terá que achegarse un exemplar orixinal da publicación na que fose difundido. No caso de ser un traballo audiovisual, a cinta de audio (en formato casete) ou de vídeo (en formato VHS) deberá recoller o espazo ou programa completo no que fose difundido. Por último, se se trata dun traballo en formato electrónico, débese presentar un CD no que se recolla un basculado de pantalla da páxina ou páxinas web onde apareza e unha copia impresa. En todos os casos debe quedar constancia de que o traballo foi difundido no prazo indicado.

Artigo 5º.-Composición e funcións dos xurados,

Os traballos presentados e que se axusten á presente convocatoria serán examinados e avaliados por un xurado constituído por cinco membros:

-Dous en representación da Dirección Xeral de Investigación e Desenvolvemento da Consellería de Innovación, Industria e Comercio.

-Un en representación da Secretaría para as Relacións cos Medios Informativos da Xunta de Galicia.

-O decano da Facultade de Xornalismo da Universidade de Santiago de Compostela.

-O decano do Colexio Oficial de Xornalistas de Galicia.

O director xeral de Investigación e Desenvolvemento designará entre destes membros o presidente e o secretario do xurado.

2. A decisión do xurado será inapelable.